

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o prihvatanju cijene ponuđača, broj: 05.12.101-4672-Odluka o prihvatanju cijene ponuđača/20, a u skladu sa članom 19. stav 3. Pravilnika o uvjetima u pogledu prostora, opreme i kadra za čuvanje i primjenu svih vrsta lijekova koji se upotrebljavaju u zdravstvenim ustanovama („Službene novine Federacije BiH“, broj 28/18), ugovorne strane su zaključile:

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa direktorica Prof. dr.med.sci. Aida Pilav, (u daljem tekstu: Naručilac usluga)

i

JAVNA USTANOVA "APOTEKE SARAJEVO", sa sjedištem u Sarajevu, ul. Krančevićeva br.29, registrovana kod Općinskog suda u Sarajevu pod matičnim brojem subjekta (MBS): 65-05-0014-12, ID 4200280090003, PDV 200280090003 koju zastupa generalni direktor Hrelja Nedim (u daljem tekstu: Izvršilac usluga), zaključile su sljedeći:

UGOVOR O VRŠENJU USLUGA PORUČIVANJA, SKLADIŠTENJA I DISTRIBUCIJE VAKCINA

Član 1.

Ovim Ugovorom se regulišu odnosi između strana potpisnica radi poslovnog povezivanja u cilju razvijanja poslovne saradnje u vezi sa pružanjem usluga stručne pomoći u postupku nabavke, distribucije i skladištenja vakcina u korist i za račun naručioca posla, te se utvrđuje način primjene lijekova kod Naručioca koji koristi lijekove neophodne za prevenciju i tretman pacijenata u skladu sa djelatnošću Naručioca, a u smislu člana 3, stav (3) i člana 7. stav (2) Zakona o apotekarskoj djelatnosti („Službene novine Federacije BiH“, broj 40/10).

Ugovorne strane se obavezuju da će međusobne odnose nastale ovim ugovorom zasnivati i razvijati na principima međusobnog povjerenja, dobrih poslovnih običaja, pozitivnih zakonskih propisa, a sve u cilju ostvarenja i unapređenja zajedničkih interesa.

Član 2.

Izvršilac se obavezuje da za račun Naručioca osigura propisno poručivanje, skladištenje i distribuciju vakcina u skladu sa odredbama Zakona o lijekovima i medicinskim sredstvima („Službeni glasnik BiH“, broj 58/08) i Zakona o apotekarskoj djelatnosti („Službene novine FBiH“, broj 40/10). Nabavka vakcina će se vršiti prema zaključenim ugovorima sa dobavljačima.

Član 3.

Obaveze Naručioca su:

- blagovremeno izvršiocu dostaviti informaciju o planiranoj nabavi vakcina;
- omogućiti pristup svoj dokumentaciji potrebnoj za realizaciju ovog ugovora;
- odrediti kontakt osobu za nesmetano obavljanje ugovorenih poslova i koordinaciju ustanova;
- osigurati potrebnu opremu za preuzimanje vakcina i lijekova u skladu sa važećim propisima, te putem ovlaštenog radnika vršiti preuzimanje vakcina za dnevno apliciranje u ustanovi;
- platiti ugovorenu cijenu u skladu sa dogovorenom dinamikom;
- o neželjenim efektima Naručilac će obavijestiti Izvršioca i uključiti ga u korespondenciju;
- zbrinjava farmaceutski otpad nastao nakon aplikacije vakcina.

Član 4.

Obaveze Izvršioca su:

- Izvršilac snosi odgovornost za ispravnost naručenih i isporučenih vakcina i drugih lijekova do momenta preuzimanja vakcina od ovlaštenih radnika naručioca;
- u slučaju inspeksijskog nadzora, Izvršilac je dužan osigurati dokaze da su vakcine i drugi lijekovi čuvane, transportovane, te da je sa njima rukovano u skladu sa specifikacijom proizvođača;
- Izvršilac je dužan osigurati odgovarajući prostor, opremu, kadar i postupke radi osiguranja odgovarajuće kontrole sredine u kojoj se čuvaju vakcine i lijekovi - hladna soba i uređaji za čuvanje termolabilnih lijekova;
- Izvršilac će redovno i kontinuirano pratiti temperaturno stanje sredine u kojoj se čuvaju vakcine, te će redovno dostavljati naručiocu izjavu da je lijek čuvan u skladu sa traženim uslovima;
- izdavanje vakcina će vršiti zdravstveni tim Izvršioca uz osiguranje hladnog lanca do momenta preuzimanja vakcina od strane zdravstvenog tima Naručioca, koji potom preuzimaju odgovornost čuvanja, skladištenja do pripreme i aplikacije vakcine;
- izdavanje dnevne količine vakcina od strane Isporučioca i prijem vakcina od strane Naručioca će se evidentirati na obrascu koji će se dogovoriti;
- u slučaju povlačenja vakcine iz prometa, Izvršilac će obavijestiti Naručioca o nazivu i seriji vakcine koja se povlači iz prometa i o kojem stepenu hitnosti se radi;
- Izvršilac će za potrebe Naručioca preuzimati naručene vakcine od izabranog dobavljača prodavca i iste uz potpunu primjenu propisa, distribuirati do vlastitog skladišta, a potom pratiti i kontrolisati skladištenje i izdavanje vakcina Naručiocu;
- Izvršilac će vršiti ovjeru otpremnica u ime i za račun Naručioca a prema dobavljačima vakcina i lijekova, sve u skladu sa pozitivnim propisima;
- u slučaju bilo kakvih incidenata i prijave neželjenih efekata Izvršilac će se uključiti u postupak utvrđivanja uzroka i rješenja istih;
- Izvršilac će izdavanje vakcina vršiti Naručiocu samo u količinama potrebnim za zadovoljenje dnevnih potreba, tj. primjene lijekova kod Naručioca za prevenciju i tretman pacijenta u skladu sa djelatnošću Naručioca.

Član 5.

Ukupna cijena Ugovora za usluge iznosi 5.990,00 KM bez PDV-a, odnosno 7.008,30 KM sa PDV-om.

Ugovorni organ će za izvršene usluge plaćati mjesečno iznos od 499,16 KM bez PDV-a, u roku do 30 (trideset) dana od dana prijema fakture.

Naknada iz prethodnog stava neće se mijenjati u periodu od 12 mjeseci od dana potpisivanja ugovora.

Član 6.

Ugovor se zaključuje na određeno vrijeme u trajanju od jedne godine od dana potpisivanja ovog Ugovora.

Član 7.

Naručilac usluga se obavezuje da najkasnije u roku od 7 (sedam) dana od zaključenja ovog Ugovora, primjerak ugovora dostavi nadležnom ministarstvu zdravstva.

Član 8.

Svaki eventualni spor stranke će pokušati riješiti sporazumno. Ukoliko stranke ne uspiju riješiti spor, saglasne su da će spor rješavati za to nadležan sud u Sarajevu.

Na sve što nije posebno određeno uvjetima ovog ugovora primjenjuju se pozitivni pravni propisi Federacije BiH.

Član 9.

Ugovor je sastavljen u 5 (pet) istovjetnih primjerka, od kojih naručilac usluga zadržava tri primjerka, a izvršilac usluga dva primjerka Ugovora.

Član 10.

Stranke su Ugovor pročitale, utvrdile da ne postoje nikakve nejasnoće, da ga razumiju u cijelosti i da u potpunosti odražava njihovu pravu volju, te ga u znak prihvatanja vlastoručno potpisuju.

J.U. „APOTEKE SARAJEVO“
SARAJEVO

GENERALNI DIREKTOR

Nedim Hrelja mr.ph. MBA

Broj: 01-03-2252/20
Sarajevo, 17.08.2020.godine

J.U. ZAVOD ZA JAVNO ZDRAVSTVO
KANTONA SARAJEVO

DIREKTORICA

Prof.dr. med.sci. Aida Pilav

Broj: 05.12.100-4672-Ugovor/20
Sarajevo, 11.08.2020.godine

